

三國演義



凡例

俗本之乎者也等字。大半齟齬不通。又詞語冗長。每多複沓處。今悉依古本改正。頗覺直捷痛快。

俗本紀事多訛。如昭烈聞雷失鈴。及馬騰入京遇害。關公封漢壽亭侯之類。皆與古本不合。又曹后罵曹不詳。于范曄後漢書中。而俗本反誤書其黨惡。孫夫人投江而死。詳于梟姬傳中。而俗本但紀其歸吳。今悉依古本辨定。

事有不可闕者。如關公秉燭達旦。管寧割席分坐。曹操分香賣履。于禁陵廟見靈。以至武侯夫人之才。康成侍兒之慧。鄧艾鳳令之對。鍾會不汗之答。杜預左傳之辯。俗本皆刪而不錄。今悉依古本存之。使讀者得窺全豹。三國文字之佳。其錄于文選中者。如孔融薦禰衡表。陳琳討曹操檄。實可與前後出師表並傳。俗本皆闕而不載。今悉依古本增入。以備好古者之覽觀焉。

俗本題詞。多差不對。雜亂無章。又干一回之中。分上下兩截。今悉體作者之意。而聯貫之。每回必以二語對偶爲題。務取精工。以快悅者之目。

俗本謬託李卓吾先生批閱。而究竟不知出自何人之手。其評中多有唐突昭烈。謾罵武侯之語。今俱削去。而以新評校正之。

俗本之尤可笑者。于事之是者則圈點之。于事之非者則塗抹之。不論其文而論其事。則春秋弑君三十六。亡國五十二。將盡取聖人之經而塗之抹之耶。今斯編評閱處。有圈點而無塗抹。一洗從前之陋。

敘事之中。夾帶詩詞。本是文章極妙處。而俗本每下後人有詩嘆曰。便處處是周靜軒先生。而其詩又甚俚鄙可笑。今此編悉取唐宋名人作以實之。與俗本大不相同。

七言律詩起于唐人。若漢則未聞有七言律也。俗本往往捏造古人詩句。如鍾繇王朗頌銅雀臺。蔡瑁題館驛。屋壁皆僞作七言律體。殊爲識者所笑。今悉依古本削去。以存其真。

後人捏造之事。有俗本演義所無。而今日傳奇所有者。如關公斬貂蟬。張飛捉周瑜之類。此其誣也。則今人之

所知也。有古本三國志所無。而俗本演義所有者。如諸葛亮欲燒魏延于上方谷。諸葛瞻得鄧艾書而猶豫未決之類。此其誣也。則非今人之所知也。不知其誣。毋乃冤古人太甚。今皆削去。使讀者不爲齊東所誤。

貂蟬

伏皇后

漢獻帝

王允

董卓



關壯繆

張桓侯

昭烈帝

孫夫人

甘夫人

糜夫人



本古
三國演義目錄

卷一

- | | | |
|------|----------|----------|
| 第一回 | 宴桃園豪傑三結義 | 斬黃巾英雄首立功 |
| 第二回 | 張翼德怒鞭督郵 | 何國舅謀誅宦豎 |
| 第三回 | 議溫明董卓叱丁原 | 魏金珠李肅說呂布 |
| 第四回 | 廢漢帝陳留爲皇 | 謀董卓賊孟德獻刀 |
| 第五回 | 發矯詔諸鎮應曹公 | 破關兵三英戰呂布 |
| 第六回 | 焚金闕董卓行兇 | 匿玉璽孫堅背約 |
| 第七回 | 袁紹擊河戰公孫 | 孫堅跨江擊劉表 |
| 第八回 | 王司徒巧使連環計 | 董卓大鬧鳳儀亭 |
| 第九回 | 除兇暴呂布助司徒 | 犯長安李傕聽賈詡 |
| 第十回 | 勤王室馬騰舉義 | 報父讎曹操興師 |
| 第十一回 | 劉皇叔北海救孔融 | 呂溫侯漢陽破曹操 |
| 第十二回 | 陶恭祖三讓徐州 | 曹孟德大戰呂布 |
| 第十三回 | 李傕郭汜大交兵 | 楊奉董承雙救駕 |
| 第十四回 | 曹孟德移駕幸許都 | 呂奉先乘夜襲徐州 |
| 第十五回 | 太史慈酣關小霸王 | 孫伯符大戰嚴白虎 |
| 第十六回 | 呂奉先射戟轅門 | 曹孟德敗師渭水 |
| 第十七回 | 袁公路大起七軍 | 曹孟德會合三將 |
| 第十八回 | 賈文和料敵決勝 | 夏侯惇拔矢啖睛 |

第十九回

下邳城曹操鏖兵

第二十回

曹阿瞞許田打圍

第二十一回

曹操煮酒論英雄

第二十二回

袁曹各起馬步三軍

第二十三回

關正平裸衣罵賊

第二十四回

國賊行兇殺貴妃

第二十五回

屯土山關公約三事

第二十六回

袁本初損兵折將

第二十七回

美髯公千里走單騎

第二十八回

斬蔡陽兄弟釋疑

第二十九回

小霸王怒斬于吉

第三十回

戰官渡本初敗績

卷二

第三十一回

曹操倉亭破本初

第三十二回

奪冀州袁尙爭鋒

第三十三回

曹丕乘亂納甄氏

第三十四回

蔡夫人隔屏聽密語

第三十五回

玄德南漳逢隱淪

第三十六回

玄德用計襲樊城

第三十七回

司馬徽再薦名士

第三十八回

定三分隆中決策

白門樓呂布殞命

董國舅內閣受詔

關公賺城斬車胄

關張共擒王劉二將

吉太醫下毒遭刑

皇叔敗走投袁紹

救白馬曹操解重圍

關雲長挂印封金

漢壽侯五關斬六將

會古城主臣聚義

碧眼兒坐領江東

劫烏巢孟德燒糧

玄德荊州依劉表

決漳河許攸獻計

郭嘉遺計定遼東

劉皇叔躍馬過檀溪

單福新野遇英主

元直走馬薦諸葛

劉玄德三顧草廬

賤長江孫氏報仇

第三十九回 荊州城公子三求計

第四十回 蔡夫人議獻荊州

第四十一回 劉玄德攜民渡江

第四十二回 張翼德大鬧長坂橋

第四十三回 諸葛亮舌戰羣儒

第四十四回 孔明用智激周瑜

第四十五回 三江口曹操折兵

第四十六回 用奇謀孔明借箭

第四十七回 關澤密獻詐降書

第四十八回 寧長江曹操賦詩

第四十九回 七星壇諸葛祭風

第五十回 諸葛亮智算華容

第五十一回 曹仁大戰東吳兵

第五十二回 諸葛亮智辭魯肅

第五十三回 關雲長義釋黃漢升

第五十四回 吳國太佛寺看新郎

第五十五回 玄德智激孫夫人

第五十六回 曹操大宴銅雀臺

第五十七回 樂桑口臥龍弔喪

第五十八回 馬孟起興兵雪恨

第五十九回 許褚裸衣關馬超

博望坡軍師初用兵

諸葛亮火燒新野

趙子龍單騎救主

劉豫州敗走漢津口

魯子敬力排衆議

孫權決計破曹操

羣英會蔣幹中計

獻密計黃蓋受刑

龐統巧授連環計

鎖戰船北軍用武

三江口周瑜縱火

關雲長義釋曹操

孔明一氣周公瑾

趙子龍計取桂陽

孫仲謀大戰張文遠

劉皇叔洞房續佳偶

孔明二氣周公瑾

孔明三氣周公瑾

朱陽縣鳳雛理事

曹阿瞞割鬚棄袍

曹操抹書問韓遂

第六十回

張永年反難楊修

龐士元議取西蜀

卷三

第六十一回

趙雲截江奪阿斗

孫權遺書退老瞞

第六十二回

取涪關楊高授首

攻雒城黃魏爭功

第六十三回

諸葛亮痛哭龐統

張翼德義釋嚴顏

第六十四回

孔明定計捉張任

楊阜借兵破馬超

第六十五回

馬超大戰葭萌關

劉備自領益州牧

第六十六回

關雲長單刀赴會

伏皇后爲國捐生

第六十七回

曹操平定漢中地

張遼威震逍遙津

第六十八回

甘寧百騎劫魏營

左慈擲杯戲曹操

第六十九回

卜周易管輅知機

討漢賊五臣死節

第七十回

猛張飛智取瓦口隘

老黃忠計奪天蕩山

第七十一回

占對山黃忠逸待勞

據漢水趙雲寡勝衆

第七十二回

諸葛亮智取漢中

曹阿瞞兵退斜谷

第七十三回

玄德進位漢中王

雲長攻拔襄陽郡

第七十四回

龐令名擡棺決死戰

關雲長放水淹七軍

第七十五回

關雲長刮骨療毒

呂子明白衣渡江

第七十六回

徐公明大戰沔水

關雲長敗走麥城

第七十七回

玉泉山關公顯聖

洛陽城曹操感神

第七十八回

治風疾神醫身死

傳遺命奸雄數終

第七十九回

兄遺弟曹植賦詩

姪陷叔劉封代法

第八十回

曹丕廢帝篡炎劉

漢王正位續大統

第八十一回

急兄讎張飛遇害

雪弟恨先主興兵

第八十二回

孫權降魏受九錫

先主征吳賞六軍

第八十三回

戰猇亭先主得勝人

守江口書生拜大將

第八十四回

陸遜營燒七百里

孔明巧布八陣圖

第八十五回

劉先主遺詔託孤兒

諸葛亮安居平五路

第八十六回

難張溫秦宓還天辨

破曹丕徐盛用火攻

第八十七回

征南寇丞相大興師

抗天兵蠻王初受執

第八十八回

渡瀘水再縛番王

識詐降三擒孟獲

第八十九回

武鄉侯四番用計

南蠻王五次遭擒

第九十回

驅巨獸六破蠻兵

燒藤甲七擒孟獲

卷四

第九十一回

祭瀘水漢相班師

伐中原武侯上表

第九十二回

趙子龍力斬五將

諸葛亮智取三城

第九十三回

姜伯約歸降孔明

武鄉侯罵死王朗

第九十四回

諸葛亮棄甯破羌兵

司馬懿尅日擒孟達

第九十五回

馬謖拒諫失街亭

武侯彈琴退仲達

第九十六回

孔明揮淚斬馬謖

周紡斷髮賺曹休

第九十七回

討魏國武侯再上表

破曹兵姜維詐獻書

第九十八回

追漢軍王雙受誅

斃陳倉武侯取勝

第九十九回

諸葛亮大破魏兵

司馬懿入寇西蜀

- | | | |
|-------|----------|----------|
| 第一百回 | 漢兵劫寨破曹真 | 武侯關陣辱仲達 |
| 第一百一回 | 出隴上諸葛妝神 | 奔劍閣張郃中計 |
| 第一百二回 | 司馬懿占北原渭橋 | 諸葛亮造木牛流馬 |
| 第一百三回 | 上方谷司馬受困 | 五丈原諸葛禱星 |
| 第一百四回 | 殞大星漢丞相歸天 | 見木像魏都督喪膽 |
| 第一百五回 | 武侯預伏錦囊計 | 魏主拆取承露盤 |
| 第一百六回 | 公孫淵兵敗死襄平 | 司馬懿詐病賺曹爽 |
| 第一百七回 | 魏主政歸司馬氏 | 姜維兵敗牛頭山 |
| 第一百八回 | 丁奉雪中奮短兵 | 孫峻席間施密計 |
| 第一百九回 | 困司馬漢將奇謀 | 廢曹芳魏家果報 |
| 第一百十回 | 文鴛單騎退雄兵 | 姜維背水破大敵 |
| 第一百一回 | 鄧士載智敗姜伯約 | 諸葛誕義討司馬昭 |
| 一二二回 | 救壽春于詮死節 | 取長城伯約鑒兵 |
| 一二三回 | 丁奉定計斬孫琳 | 姜維驃陣破鄧艾 |
| 一二四回 | 曹髦驅車死南闕 | 姜維棄糧勝魏兵 |
| 一二五回 | 詔班師後主信讒 | 託屯田姜維游說 |
| 一二六回 | 鍾會分兵漢中道 | 武侯顯聖定軍山 |
| 一二七回 | 鄧士載偷渡陰平 | 諸葛瞻戰死綿竹 |
| 一二八回 | 哭祖廟一王死孝 | 入西川二士爭功 |
| 一二九回 | 假投降巧計成虛話 | 再受禪依樣葫蘆 |
| 一二〇回 | 薦杜預老將獻新謀 | 降孫皓三分歸一統 |

古本
三國演義 卷一

第一回 宴桃園豪傑三結義 斬黃巾英雄首立功

話說天下大勢，分久必合，合久必分。周末七國分爭，并入於秦；及秦滅之後，楚漢分爭，又并入於漢。漢朝自高祖斬白蛇而起義，一統天下，後來光武中興，傳至獻帝，遂分爲三國。推其致亂之由，殆始於桓靈二帝。桓帝禁錮善類，崇信宦官，及桓帝崩，靈帝即位，大將軍竇武、太傅陳蕃共相輔佐，時有宦官曹節等弄權，竇武陳蕃謀誅之，作事不密，反爲所害，中涓自此愈橫。建寧二年四月，望日，帝御溫德殿，方臨座，殿角狂風驟起，只見一條大青蛇從梁上飛將下來，蟠於椅上。帝驚倒，左右急救入宮。百官俱奔避，須臾蛇不見了。忽見大雷大雨，加以冰雹，落到半夜方止。壞却房屋無數。建寧四年二月，洛陽地震，又海水泛溢，沿海居民盡被大浪捲入海中。光和元年，雌雞化雄。六月朔，黑氣十餘丈，飛入溫德殿中。秋七月，有虹見於玉堂五原山岸，盡皆崩裂，種種不祥，非止一端。帝下詔問羣臣以災異之由，議郎蔡邕上疏，以爲蜺隴化，乃婦寺干政之所致，言頗切直。帝覽奏數息，因起更衣。曹節在後竊視，悉宣告左右，遂以他事陷邕於罪，放歸田里。後張讓、趙忠、封諱、段珪、曹節候覽，蹇碩、程璜、夏惲、郭勝十人朋比爲奸，號爲十常侍。帝尊信張讓，呼爲阿父。朝政日非，以致天下人心思亂，盜賊蜂起。時鉅鹿郡有兄弟三人，一名張角，一名張寶，一名張梁。那張角本是個不第秀才，因入山採藥，遇一老人，碧眼童顏，手執藜杖，喚角至一洞中，以天書三卷授之，曰：「此名太平要術，汝得之，當代天宣化，普救世人。若萌異心，必獲惡報。」角拜問姓名，老人曰：「吾乃南華老仙也。言訖，化陣清風而去。角得此書，曉夜攻習，能呼風喚雨，號爲太平道人。中平元年正月內，疫氣流行，張角散施符水，爲人治病，自稱大賢良師。角有徒弟五百餘人，雲遊四方，皆能書符念呪。次後徒衆日多，角乃立三十六方，大方萬餘人，小方六七千，各立渠帥，稱爲將軍。詭言蒼天已死，黃天當立，又云歲在甲子，天下大吉。令人各以白土書「甲子」二字於家中大門上，青幽徐冀荆揚兗豫八州之人，家家侍奉大賢良師張角名字。角遣其黨馬元義暗齎金帛，結交中涓封諱，以爲內應。角與二弟商議曰：「至難得蒼民心也。今民心已順，若不乘勢取天下，誠爲可惜。」遂一面私造黃旗，約

期舉事。一面使弟子唐州馳書報封譚唐州乃逕赴省中告變。帝召大將軍何進調兵擒馬元義斬之。次收封譚等一千人下獄。張角聞知事露。星夜舉兵。自稱天公將軍。張寶稱地公將軍。張梁稱人公將軍。申言於衆曰。今漢運將終。大聖人出。汝等皆宜順天從正。以樂太平。四方百姓。裹黃巾從張角反者。四五十萬。賊勢浩大。官軍望風而靡。何進奏帝。火速降詔。令各處備禦討賊立功。一面遣中郎將盧植。皇甫嵩。朱雋。各引精兵。分三路討之。且說張角一軍。前犯幽州界分。幽州太守劉焉乃江夏竟陵人氏。漢魯恭王之後也。當時聞得賊兵將至。召校尉鄒靖計議。靖曰。賊兵衆我兵寡。明公宜作速招軍應敵。劉焉然其說。隨卽出榜招募義兵。榜文行到涿縣。引出一個英雄。那人能自顧其耳。面如冠玉。唇若塗脂。中山靖王劉勝之後。漢景帝閣下玄孫。姓劉名備。字玄德。昔劉勝之子劉貞。漢武時封涿鹿亭侯。後坐酎金失侯。因此遺這一枝在涿縣。玄德祖劉雄。父劉弘。弘曾舉孝廉。亦嘗作吏。早喪。玄德幼孤。事母至孝。家貧。販履織席爲業。家住本縣樓桑村。其家之東南有一大桑樹。高五丈餘。遙望之。童叟如車蓋相者云。此家必出貴人。玄德幼時。與鄉中小兒戲於樹下。曰。我爲天子。當乘此車蓋。叔父劉元起奇其言。曰。此兒非常人也。因見玄德家貧。常資給之。年十五歲。母使游學。嘗師事鄭玄。盧植與公孫瓚等爲友。及劉焉發榜招軍時。玄德年已二十八歲矣。當日見了榜文。慨然長歎。隨後一人厲聲言曰。大丈夫不與國家出力。何故長歎。玄德回視其人。身長八尺。豹頭環眼。燕頤虎鬚。聲若巨雷。勢如奔馬。玄德見其形貌異常。問其姓名。其人曰。某姓張名飛。字翼德。世居涿郡。頗有莊田。賣酒屠猪。專好結交天下豪傑。適纔見公看榜而歎。故此相問。玄德曰。我本漢室宗親。姓劉名備。今聞黃巾倡亂。有志欲破賊安民。恨力不能。故長歎耳。飛曰。吾頗有資財。當召募鄉勇。與公同舉大事。如何。玄德甚喜。遂與同入村店中飲酒。正飲間。見一大漢。推着一輛車子到店門首歇了。入店坐下。便喚酒保快斟酒來吃。我待趕入城去投軍。玄德看其人。身長九尺。髯長二尺。面如重棗。唇若塗脂。丹鳳眼。臥蠶眉。相貌堂堂。威風凜凜。玄德就邀他同坐。叩其姓名。其人曰。吾姓關名羽。字壽長。後改雲長。河東解良人也。因本處勢豪倚勢凌人。被吾殺了。逃離江湖。五六年矣。今聞此處招軍破賊。特來應募。玄德遂以已志告之。雲長大喜。同到張飛莊上。共議大事。飛曰。吾莊後有一桃園。花開正盛。明日當於園中祭告天地。我三人結爲兄弟。協力同心。然後可圖大事。玄德雲長齊聲應曰。如此。

甚好次日於桃園中備下烏牛白馬祭禮等項三人焚香再拜而說誓曰念劉備關羽張飛雖然異姓既結爲兄弟則同心協力救困扶危上報國家下安黎庶不求同年同月同日生但願同年同月同日死皇天后土實鑒此心背義忘恩天人共戮誓畢拜玄德爲兄關羽次之張飛爲弟祭罷天地復宰牛設酒聚鄉中勇士得三百餘人就桃園中痛飲一醉來日收拾軍器但恨無馬匹可乘正思慮間人報有二個客人引一夥伴備趕一羣馬投莊上來玄德曰此天佑我也三人出莊迎接原來二客乃中山大商一名張世平一名蘇雙每年往北販馬近因寇發而回玄德請二人到莊置酒款待訴說欲討賊安民之意二客大喜願將良馬五十匹相送又贈金銀五百兩鑲鐵一千斤以資器用玄德謝別二客便命良匠打造雙股劍雲長造青龍偃月刀又名冷豔鋸重八十二斤張飛造丈八點鋼矛各置全身鎧甲共聚鄉勇五百餘人來見鄒靖鄒靖引見太守劉焉三人參見畢各通姓名玄德說起宗派劉焉大喜遂認玄德爲姪不數日人報黃巾賊將程遠志統兵五萬來犯涿郡劉焉令鄒靖引玄德等三人統兵五百前去破敵玄德等欣然領軍前進直至大興山下與賊相見賊衆皆披髮以黃巾抹額當下兩軍相對玄德出馬左有雲長右有翼德揚鞭大罵反國逆賊何不早降程遠志大怒遣副將鄧茂出戰張飛挺丈八蛇矛直出手起處刺入鄧茂心窩翻身落馬程遠志見折了鄧茂拍馬舞刀直取張飛雲長舞動大刀縱馬飛迎程遠志見了早吃一驚措手不及被雲長刀起處揮爲兩段後人有詩讚二人曰「英雄發願在今朝一試矛令一試刀初出便將威力展三分好把姓名標」衆賊見程遠志被斬皆倒戈而走玄德麾軍追趕投降者不計其數大勝而回劉焉親自迎接賞勞軍士次日接得青州太守龔景牒文言黃巾賊圍城將陷乞賜救援劉焉與玄德商議玄德曰備願往救之劉焉令鄒靖將兵五千同玄德關張投青州來賊衆見救軍至分兵混戰玄德兵寡不勝退三十里下寨玄德謂關張曰賊衆我寡必出奇兵方可取勝乃分關公引一千軍伏山左張飛引一千軍伏山右鳴金爲號齊出接應次日玄德與鄒靖引軍鼓譟而進賊衆迎戰玄德引軍便退賊衆乘勢追趕方過山嶺玄德軍中一齊鳴金左右兩軍齊出玄德麾軍回身復殺三路夾攻賊衆大潰直趕至青州城下太守龔景亦率民兵出城助戰賊勢大敗勦戮極多遂解青州之圍後人有詩讚玄德曰「運籌決策有神功二虎還須遜一龍初出便能垂偉績自應分鼎在孤窮」龔景犒軍畢鄒靖欲回玄德曰近聞中郎將盧植與賊首張角戰於廣宗備昔曾師事盧植欲往助之於是鄒靖引軍自回

玄德與關張引本部五百人投廣宗來。至盧植軍中，入帳施禮，具道來意。盧植大喜，留在帳前聽調。時張角賊衆十五萬，植兵五萬，相拒於廣宗。未見勝負。植謂玄德曰：「我今圍賊在此，賊弟張梁、張寶在潁川與皇甫嵩對壘，汝可引本部人馬，我更助汝一千官軍前去潁川打探消息，約期勦捕。」玄德領命，引軍星夜投潁川來。時皇甫嵩朱雋領軍拒賊，賊戰不利，退入長社，依草結營。嵩與雋計曰：「賊依草結營，當用火攻之。」遂令軍士每人束草一把，暗地埋伏。是夜大風忽起，二更以後，一齊縱火。嵩與雋各引兵攻戰，賊寨火焰張天，賊衆驚慌，馬不及鞍，人不及甲，四散奔走。殺到天明，張梁、張寶引敗殘軍士奪路而走。忽見一彪軍馬，盡打紅旗，當頭到來，截住去路。爲首閃出一將，身長七尺，細眼長鬚，官拜騎都尉，沛國譙郡人也，姓曹，名操，字孟德。操父曹嵩，本姓夏侯氏，因爲中常侍曹騰之養子，故冒姓曹。曹嵩生操，小字阿瞞，一名吉利。操幼時好游獵，喜歌舞，有權謀，多機變。操有叔父，見操游蕩無度，嘗怒之言於曹嵩。嵩責操，操忽心生一計，見叔父來，詐倒於地，作中風之狀。叔父驚告嵩，嵩急視之，操故無恙。嵩曰：「叔言汝中風，今已愈乎？」操曰：「兒自來無此病，因失愛於叔父，故見罔耳。」嵩信其言，後叔父凡言操過，嵩並不聽。因此操得意，放蕩時人有橋玄者，謂操曰：「天下將亂，非命世之才不能濟，能安之者，其在君乎？」南陽何顒見操言，漢室將亡，安天下者必此人。也。汝南許劭有知人之名，操往見之，問曰：「我何如？」人劭不答。又問，劭曰：「子治世之能臣，亂世之奸雄也。」操聞言大喜。年二十，舉孝廉爲郎，除洛陽北都尉。初到任，即設五色棒十餘條於縣之四門，有犯禁者，不避豪貴，皆責之。中常侍蹇碩之叔，提刀夜行，操巡夜拏住，就棒責之。由是內外莫敢犯者。威名頗震，後爲領丘令，因黃巾起，拜爲騎都尉，引馬步軍五千前來潁川助戰。正值張梁、張寶敗逃，曹操攔住，大殺一陣，斬首萬餘級，奪得旗幟、金鼓、馬匹極多。張梁、張寶死戰得脫。操見過皇甫嵩、朱雋，隨即引兵追擊張梁、張寶去了。却說玄德引關張來潁川，聽得喊殺之聲，又望見火光燭天，急引兵來時，賊已敗散。玄德見皇甫嵩、朱雋具道盧植之意，嵩曰：「張梁、張寶勢窮力乏，必投廣宗去，依張角。玄德可即星夜往助。」玄德領命，遂引兵復回，到得半路，只見一簇軍馬，護送一輛檻車，車中之囚，乃盧植也。玄德大驚，滾鞍下馬，問其緣故。植曰：「我圍張角，將次可破，因角用妖術，未能即勝。朝廷差黃門左豐前來打探，問我索取賂賄，我答曰：『軍糧尙缺，安有餘錢奉承天使？』左豐挾恨，因奏朝廷說我高壘不戰，惰慢軍心。因此朝廷震怒，遣中郎將董卓來代將我兵，取我回京問罪。張飛聽罷大怒，要斬護送軍人，以救盧植。玄德急止之曰：『朝廷

自有公論。汝豈可造次。軍士疲瘁。廬植去了。關公曰。廬中郎已被逮。別人領兵。我等去無所依。不如且回涿郡。玄德引軍北行。行無二日。忽聞山後喊聲大震。玄德引關張縱馬上高崗望之。見漢軍大敗。後面漫山塞野。黃巾盡地而來。旗上大書天公將軍。玄德曰。此張角也。可速戰。三人飛馬引軍而出。張角正殺敗董卓。乘勢趕來。忽遇三人衝殺。角軍大亂。敗走五十餘里。三人救了董卓同寨。卓問三人現居何職。玄德曰。白身。卓甚輕之。不爲禮。玄德出。張飛大怒曰。我等親赴血戰。救了這廝。他却如此無禮。若不殺之。難消我氣。便要提刀入帳。來殺董卓。正是。人情勢利古猶今。誰識英雄是白身。安得快人如翼德。盡誅世上負心人。一畢竟董卓性命如何。且看下回分解。

第二回 張翼德怒鞭督郵 何國舅謀誅宦豎

且說董卓字仲穎。隴西臨洮人也。官拜河東太守。自來驕傲。當日輕慢了玄德。張飛性發。便欲殺之。玄德與關公急止之曰。他是朝廷命官。豈可擅殺。飛曰。若不殺這廝。反要在他部下聽令。我實不甘。二兄便要住在此。我自投別處去也。玄德曰。我三人義同生死。豈可相離。不若都投別處去便了。飛曰。若如此。稍解我恨。於是三人連夜引軍來投朱儁。儁待之甚厚。合兵一處。進討張寶。是時曹操自跟皇甫嵩討張梁。大戰於曲陽。這裏朱儁進討張寶。張寶引賊衆八九萬。屯於山後。儁令玄德爲其先鋒。與賊對敵。張寶遣副將高昇。出馬搦戰。玄德使張飛擊之。飛縱馬挺矛與昇交戰。不數合。刺昇落馬。玄德麾軍直衝過去。張寶就馬上披髮仗劍。作起妖法。只見風雷大作。一股黑氣。從天而降。黑氣中似有無限人馬。殺來。玄德連忙回軍。軍中大亂。敗陣而歸。與朱儁計議。儁曰。被用妖術。我來日可宰猪羊。狗血令軍士伏於山頭。候賊趕來。從高坡上潑之。其法可解。玄德聽令。撥關公張飛各引軍一千。伏於山後高崗之上。感猪羊狗血并穢物。準備次日。張寶搖旗擂鼓。引軍搦戰。玄德出迎。交鋒之際。張寶作法。風雷大作。飛砂石走石。黑氣漫天。滾滾人馬。自天而下。玄德撥馬便走。張寶驅兵趕來。將過山頭。關張伏軍放起號礮。穢物齊潑。但見空中紙人草馬紛紛墜地。風雷頓息。砂石不飛。張寶見解了法。急欲退軍。左關公右張飛。兩軍都出背後。玄德朱儁一齊趕上。賊兵大敗。玄德望見地公將軍旗號。飛馬趕來。張寶落荒而走。玄德發箭。中其左臂。張寶帶箭逃脫。走入陽城。堅守不出。朱儁引兵圍住陽城。攻打一面。差人打探皇甫嵩消息。探子回報。且說皇甫嵩大獲勝捷。朝廷以董卓屢敗。

命嵩代之。嵩到時，張角已死。張梁統其衆，與我軍相拒。被皇甫嵩連勝七陣，斬張梁於曲陽。發張角之棺，戮尸梟首，送往京師。餘衆俱降。朝廷加皇甫嵩爲車騎將軍，領冀州牧。皇甫嵩又表奏盧植有功無罪，朝廷復盧植原官。曹操亦以有功，除濟南相。即日將班師赴任。朱雋聽說，催促軍馬，悉力攻打陽城。賊勢危急，賊將嚴政刺殺張寶，獻首投降。朱雋遂平數郡。上表獻捷。時又有黃巾餘黨三人：趙弘、韓忠、孫仲，聚衆數萬，望風燒劫，稱爲張角報仇。朝廷命朱雋即以得勝之師討之。雋奉詔率軍前進。時賊據宛城，雋引兵攻之。趙弘遣韓忠出戰。雋遣玄德關張攻城。西南角韓忠盡率精銳之衆來西南角抵敵。朱雋自縱鐵騎二千，逕取東北角。賊恐失城，急棄西南而回。玄德從背後掩殺，賊衆大敗，奔入宛城。朱雋分兵四面圍定城中。斷糧。韓忠使人出城投降。雋不許。玄德曰：「昔高祖之得天下，蓋爲能招降納順。公何拒韓忠耶？」雋曰：「彼一時也，此一時也。昔秦項之際，天下大亂，民無定主，故招降賞附，以勸來耳。今海內一統，惟黃巾造反。若容其降，無以勸善。使賊得志，意劫掠，失利便投降。此長寇之志，非良策也。」玄德曰：「不容寇降，是矣。今四面圍如鐵桶，賊乞降不得，必然死戰。萬人一心，尚不可當。況城中有數萬死命之人乎？不若撤去東南，獨攻西北。賊必棄城而走，無心戀戰，可即擒也。」雋然之。隨撤東南二面軍馬，一齊攻打西北。韓忠果引軍棄城而奔。雋與玄德關張率三軍掩殺，射死韓忠。餘皆四散奔走。正追趕間，趙弘孫仲引賊衆到，與雋交戰。雋見弘勢大，引軍暫退。弘乘勢復奪宛城，雋離十里下營。方欲攻打，忽見正東一彪人馬來到，爲首一將，生得廣額闊面，虎體熊腰。吳郡富春人也，姓孫名堅，字文臺。乃孫武子之後。年十七歲，與父至錢塘，見海賊十餘人劫取商人財物，於岸上分贓。堅謂父曰：「此賊可擒也。」遂奮力提刀上岸，揚聲大叫：「東西指揮，如喚人狀，賊以爲官兵至，盡棄財物奔走。」堅趕上殺一賊。由是郡縣知名，薦爲校尉。後會稽妖賊許昌造反，自稱陽明皇帝，聚衆數萬。堅與郡司馬招募勇士千餘人，會合州郡破之。斬許昌，并其子許韶。刺史臧旻上表奏其功，除堅爲鹽漬丞。又除盱眙丞。今見黃巾寇起，聚集鄉中。少年及諸商旅，并准泗精兵一千五百餘人前來接應。朱雋大喜，便令堅攻打南門。玄德打北門。朱雋打西門。留東門與賊走。孫堅首先登城，斬賊二十餘人。賊衆奔潰。趙弘飛馬突圍，直取孫堅。堅從城上飛身奪弘搦，刺弘下馬。卻騎弘飛身往來殺賊。孫仲引賊突出北門，正迎玄德。無心戀戰，只得奔逃。玄德張弓一箭，正中孫仲翻身落馬。朱雋大軍隨後掩殺，斬首數萬級。降者不可勝計。南陽一路十數郡皆平。雋班師回京，詔封爲車騎將軍。河南尹雋